



Lilanga Lekubuyisana

Refilwe Ramagoshi
Tebogo Matshana



ENingizimu Afrika, Lilanga Lekubuyisana
liholide lesive leliba khona ngemhlaka 16
Ingongoni.

Lencwadzi imayelana neLilanga Lekubuyisana.

Utawufundza ngemlandvo walo, nekutsi yini
leyenta libaluleke.



Mkhulu ubukela ithelevishini ekhaya ngeLilanga
Lekubuyisana.

"Mkhulu, yini uMkhonto weSizwe? Futsi liyini Lilanga
Lekubuyisana?" kubuta Puseletso.

"Ubuta imibuto leminyenti kakhulu ngesikhatsi sinye.
Lalela, mine ngitakufundzisa!" kusho mkhulu.



"UMkhonto weSizwe bekungumbutfo wemphi we-ANC. Bewulwa nahulumende welubandlululo. Lubandlululo belubacwasa bantfu labamnyama," kuchaza mkhulu.

"Lamuhla bantfu bajabulile njengobe kulilanga lekucolelana nekubuyisana," uyasho.



"Usakhumbula ngalesikhatsi kuperha liviki
ungamkhulumisi Dikeledi?" kubuta mkhulu.

Puseletso wavuma ngenhloko.

"Kodwva kancane kancane naphindze naba bangani?"
Puseletso uphindze uvuma ngenhloko.

"Nguloko-ke kucolelana nekubuyisana," kumoyitela
mkhulu.



"Umhlaka 16 Ingongoni lilalnga lekucolelana nekubuyisana," kuchubeka mkhulu.

"Lelilanga linemlandvo lomudze. Indzaba yalo yacala emphini leyenteka kadzeni, ngemhlaka 16, Ingongoni 1838."



"Kadzeni ngalelolanga, emabutfo EmaZulu eNkhosi Dingane kanye nema-Voortrekkers balwa imphi lenkhulu edvute neMfula iNcome."

"Ngubani lowancoba?" kubuta Puseletso.



Mkhulu waphendvula, "Ema-Voortrekkers ancoba.
Sikhatsi lesidze, bekagubha kuncoba kwawo
ngemhlaka 16 Ingongoni. Bekalibita ngekutsi Lilanga
Lekwenta Sifungo.



Kwatsi-ke nga-1962 ngemhlaka 16 Ingongoni,
kwakhiwa licembu leMkhonto weSizwe.

Bekungemasotja e-ANC labelungele kulwa
nahulumende welubandlululo.s



"Mkhulu, yini leyabangela kutsi uMkhonto weSizwe ufunе kulwa ngemuva kweminyaka leminyenti kukhona lubandlululo?" kubuta Puseletso.

"Kunetizatfu letinyentana. Intfo leyenteka ngesikhatsi kunemshuco wekuphikisana nekusebenta kwabo *Dompas* kungulesinye setizatfu letiyinhloko," kusho mkhulu.

"Uyini *Dompas*?" kubuta Puseletso.



Mkhulu uyaphendvula, "Dompas lipasi lakadzeni.
Bonkhe bantfu labamnyama bebaphocelelwa kutsi
baliphatse lelipasi."

"Nga-1960, ngesikhatsi kunemshuco wekuthula
wekuphikisana nekuphatfwa kwalamapasi,
emaphoyisa ahlasela bantfu labebashuca. Emaphoyisa
elubandlululo abulala futsi alimata bantfu,
eSharpeville eGoli."



"Kungevani kwakadzeni kwabangela kutsi kube khona kwehlukana emkhatsini webantfu Labamnyama nebantfu Labamhlophe," kusho mkhulu advonsa umoya.

"Bungani bakhiwa kuphela nakuneliciniso. Kufanele kwatiwe loko lokwenteka emkhatsini webantfu Labamnyama nebantfu Labamhlophe ngenca yelubandlululo," asho.



"Kumelula yini kucolelana ngemuva kwekulwa kangaka?" kubuta Puseletso.

"Cha! Akulula. Kodvwa kuze kuchutjekwe nekuphila, kubalulekile kutsi bantfu bacolelane futsi babuyisane," kuphendvula mkhulu.

"Kubuyisana akusheshi. Kubuyisana kutsatsa sikhatsi lesidze," uyengeta.



"Nangabe umuntfu ente liphutsa, kufanele akhulume liciniso bese acolisa kumuntfu lasuke amphatse kabi. Ngemuva kwaloko, bangacala kulungisa buhlobo babo," kuchaza mkhulu.

"Ulalele kahle kakhulu. Asibukele intfo lofuna kuyibukela kuthelevishini!" kumoyitela mkhulu.

—Imibuto

1. Ligujwa nini Lilanga Lekubuyisana? Yini lelenta libe liholide lesive?
2. Bekubobani uMkhonto weSizwe?
3. Bekubobani ema-*Voortrekkers*?
4. Beluyini lubandlululo?
5. Ngemavi akho, chaza kutsi kusho kutsini 'kubuyisana.'
6. Bantfu bangakwenta kanjani kubuyisana?

—Tincwadzi letikuloluchungechunge

- Lilanga Lekubuyisana
- Lilanga Lenkhululeko
- Lilanga Lemagugu
- Lilanga Lemalungelo Eluntfu
- Lilanga Labomake
- Lilanga Letisebenti
- Lilanga Lalabasha

Lencwadzi yetindzaba yentiwa futsi yabhalwa
nge Setswana, njengencenyeye yephrokethi
yetintfo tekufundza te-Zenex Ulwazi Lwethu
ya-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Lilanga Lekubuyisana

Author/s: Refilwe Ramagoshi

Translator/s: Simangele Khoza

Illustrator/s: Tebogo Matshana

Assurer/s: Mduduzi Benjie Shongwe

Language: Siswati



© Zenex Foundation - Saide 2023

CC BY includes the following elements:

BY – Credit must be given to the creator

